



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

22. Expositio singularum partium definitionis indulgentiæ.

urn:nbn:de:hbz:466:1-40916

Prima est, esse hunc thesaurum infinitum satisfactionem Christi, & Sanctorum in Ecclesia: ita determinatur in extrava, vnigenitus, à Clemente V I.

Secunda est, esse hanc potestatem in Ecclesia, dispensandi membris hunc thesaurum. Hæc determinatur à Concil. Trid. Sess. 25.

Tertia est, esse utiles indulgentias, & prodeesse fidelibus, qui conuenienter eis utuntur: ita determinatur in Concil. Lateranens. Viennae. Basilien. Ex supradictis facile est definitionem indulgentiæ intelligere, quæ superius posita est, cuius singulae partes in sequenti capite exponuntur.

Expositio singularium partium definitionis indulgentiæ.

C A P V T XXII.

Indulgentia dicitur remissio, quia per eam fit quædam relaxatio, & condonatio. Vnum tamen nota hic, quod nullum considerandum est, in indulgentia interuenient misericordiam simul, & iustitiam quædam. Sit exemplum, si alius debitor, seu damnatus ad tritemes, constitutus in eis loco eius, qui talēm patiatur pœnam, hic misericordiam est in eo, quod acceptetur iste, vt pro eo soluat pœnam etiam iustitia quædam est: nam vera est solutio pœnae. Similiter, cum quis est debitor centum aureorum, & ex anno publico ei dantur, vt soluat; ita in præsenti, condonatio & misericordia est, quod huic detur pœna, & satisfactio alterius tamen iustitia est; nam pœna soluitur: unde sanctus Thomas, 4. sent. dist. 20. dixit, indulgentiam non esse tam remissionem, quam commutationem pœnae, qua unius pœna mutatur in pœnam alterius. Dicitur ergo indulgentia, remissio, condonatio, relaxatio, respectu illius, cui fit.

Rufus, in definitione dicitur, *pœna*, quia culpa non remittitur per indulgentiam, sed pœna debita culpa. Sacramentum est, quod culpam tollit. Dices, si per indulgentiam non tollitur & culpa, quare in concessione indulgentiarum aliquarum dicitur, *à culpa, & pœna?* Dico, multos Doctores reprehendere istud verbum, & dicunt non esse profectum à sede Apostolica, sed ab istis Quæstuarioribus; tamen non est cur ita secrete te.

preh.

prehendatur: declaratur enim ab Anton. i. p. tit. 10. c. 3. cum aliquis accedit ad indulgentias consequendas, supponitur, quod debet deuotus, & contritus accedere; non enim prosunt existētibus in mortali. Ratione ergo præparationis huius, culpa remittitur, ratione ipsius indulgentiae, pœna. Ob id, semper ponitur in indulgentia opus aliquod bonum exequendū, quod si bene, & meritorie fiat, culpa remittitur: Ob id ergo tale verbum ponitur; non tamen, quod ipsa indulgentia, ratione sui, remittat culpam, sed tantum pœnam. Rursus, *temporalis*: non enim pœna æterna, quæ mortali debetur peccato, remittitur per indulgentiam, sed per confessionem, vel contritionem, qua ipsa remittitur culpa, pro *actualibus peccatis debitæ*; nam pœnae pro originali peccato inflictæ, ut mors, morbus, & alia huiusmodi non remittuntur per indulgentias, *extra sacramentum facta*: nam sacramentum ipsum iemittit etiam aliquando pœnae partem, aut totam, non tamen dicitur indulgentia: hæc enim extra sacramentum est.

Additur tandem in definitione, *ex dispensatione Thesauri Ecclesiastici*, quia etiam per bona, quæ quisque extra sacramentum facit, consequitur remissionem pœnae debitæ pro peccatis, non tamen dicitur indulgentia: hæc enim ex Thesauro Ecclesiæ, ut dictum est, fit. Ex his patet, quid indulgentia sit. Nunc quare sic dicatur, considerandum est. Indulgentia apud Latinos aliquando sumitur in malam partem, pro quadam blanda permissione licentiosa culparum: vnde Valla dicit: *Indulgere, est concedere obsequenter, & blandè tribuerre*: vnde dictum est, *Blanda patrum segnes facit indulgentia natos*. Aliquando sumitur in bonam partem, pro quadam clementia, & lenitate, quia homo non exigit omnia secundum summum rigorem iustitiae, & ad omnimodam mensuram; vnde dicit Cicero ad Atticum, *Cesarem, pro sua indulgentia in omnes probaturum spero*. Sic Deus indulget nobis, dum non exequitur rigorem suæ iustitiae in nos. Quia ergo rigor iustitiae exigere videtur, ut qui debet pœnas, soluat, cum aliena satisfactio alteri tribuitur, indulgentia quedam dicitur. Non est noua indulgentia in Ecclesia Dei, sed antiqua: habetur enim ex verbis Christi Matth. 16. *quodcumque solueris super terram, erit soluum, & in celis*. Cum dicitur, *quodcumque*, omne vinculum intellegitur, tam culpæ, quam pœnae, & Ioann. 20. *quorum remissi peccata*. Peccatum non integrè remittitur, nisi cum & pœna auferatur: & Christus Dominus suo facto indicauit.

dum paralytico non solum peccata dimisit, sed cum à pena liberauit, & adulteram à poena capitis fecit liberam: &c. Cor. 2. legimus Paulū remissione aliquid poenae illi Corinthio. Huius remissionis mentio habetur, imò sit in Concil. Ancyr. can. 2. & Nicen. c. II. & Chalce. a. c. I. In quibus remissiones aliquot poenarū factas legimus, licet non tam amplias, vt modo sunt; quia tunc illi homines feruentiores erant in bonis operibus, & minus indigebant indulgentijs, quam nos; tamen tunc indulgentiae erant. Quæ Concilia antiquissima sunt, & idem in multis alijs Concilijs inueniuntur.

*De modo concedendi indulgentias incom-
muni.*

CAPVT XXIII.

Post eius definitionem, nunc, quibus modis indulgen-
tia concedatur, considerandum est. In cuius rei deci-
nem sunt aliquot prænotanda.

Primum est, duplex quantitas in aliqua poena consideratur,
vna extensionis, quæ attenditur secundum maius, aut minus
tempus, quo talis poena durat. Altera intensionis, quæ secun-
dum grauitatem ipsius penitentie attenditur. Potest autem esse, quod
vna poena sit maior altera quantum ad extensionem, non
meni quantum ad intensionem.

Hoc supposito, aduerte, poenam Purgatorij esse maiorem
poena huius mundi, quæ pro peccatis datur, quantum ad intensionem, non tamen quantum ad extensionem: plus enim
durat poenitentia pro uno peccato in hoc mundo, quam in
altero; tamen non est tam acerba poena, idque merito: nam
in isto mundo homo debet esse alijs intentus, & vacare ope-
ribus necessarijs ad vitam, hoc non posset præstare, si poena
vnius anni esset vna hebdomada subeunda: tunc enim debe-
ret esse intensa multum, & homo vix posset alteri operi atten-
dere.

Secundò, quia homo debet conseruare vitam temporalem
corporis, cui multum nocet poena multum intensa.

Tertiò, quia homo debet omni tempore bona operari, ad
quod inducitur magis per poenitentiam extensiorem. In Pur-
gatorio vero, non sic, sed poena debet esse grauior, & acerbior,

quia